

河濱詩選

卷八  
卷九



10943

河濱詩選卷之八

朝坂李 楷叔則著

七世族孫

廬江龔鼎孳芝麓叅

同里後學王克允葵圃叅校

男 建標 赤訂

同里後學謝 澤雨蒼校刊

五言絕

青青水中蒲

青青水中蒲 下有一雙鳧 空房妾獨守 歡今游五湖

青青水中蒲 葉葉劍鋒同 歡情劍不斷 妾心水不窮

天逸閣十二首

河濱詩選

卷八

一

不掩高山色 常流處士心 何以明縹緲 飛光萬壑深 雲臺

瞥見重丘附 影將一水環 行人自有淚 不是淚荆山 荆山

孤臺晝陰冥 雲峯蜚寥廓 賸有放鶴情 怡悵舊封鶴 封鶴

青林無暑氣 四壁但藏書 卻怪非巴蜀 那得子雲居 青林

裁此高峯勢 象彼五岳形 今時李克到 不負作山亭 嶽亭

一壑非人間 乃在雲之半 不知屐齒聲 卻被飛雲亂 飛壑

嗟此平如砥 復能存深奧 寄語肯構人 古弦發清操 砥室

崢嶸遠山來 補綴豕樹昔 人入空冥惟 見雙鳥去 隣豕

子直耕谷口 此意復同之 留得雲千畝 客來許贈持 谷口





緇帷不可見翠幄復此林秋虫常遠曙誰知中夜心

翠幄

秋水如古人澄泓但一碧水清人重來相與酌琬液

秋水齋

此址曾作亭翠栢烟相借懷思歲寒時炯炯明月夜

在址

宛句吾雖遊所坐常廢池恐彼溪上叟不是飲牛時

宛池余所名

江南無輓轡只用繩汲井山泉豈不多莫如茲泉冷

潔井

### 別敬亭

山禽逐逐來稚者從其長數日與客同今當舍汝往

幽幽溪山情將歸未忍輕四海皆慢士茲山有敬名

### 藕劍

河濱詩選

卷八

二

藕劍如刃利碧水湛常磨未得風胡賞不平事儘多

### 五冰詩

有序

癸巳十二月已立春矣雨雪殊甚其在地者平冰也西

風吹壁盈壁冰立此為奇觀垂垂于簷者懸冰也溪谷

之波流冰也而雪之堅實如粒如豆者飛冰也予作五

### 絕各紀之

平冰有厚質隨地明光蕩昔謂鏡中行今時行鏡上

平冰

水晶砌作壁半壁水晶色鐵壁撐高天突然換舊域

立冰

掛箸復垂牙琅琅皆似玉惟茲春日冰化作凶年穀

懸冰



合爲珩與瑀相觸入溪聲暮或猜某筑幽人一片情  
春花將五出花蕊反千般飛雷無爲暴石田亦怯寒

飛冰

蒲菴

孤墩蹴碧池池水清而與折柳知無人時看飛鶴到  
細浪不驚雷羣魚游有隊塘外垂釣人口曝羊裘背  
荷葉香清微荷花色澹雅道人無色香獨坐荒庵下  
千帆來往頻南北不知數但見載兵船居民生恐怖  
長愛湖間月空光渾一片卻於初湧時暮色紛相戰  
庵中有嬾殘亦復有巢父牧者非知音那得窳戚語

河濱詩選

卷八

三

城居殆不宜近閣亦喧呼高揖輪裳客能如野墅無  
夜

方竹三十年墻陰寂不動老僧掃殘籜留取一枝鳳  
只堪披破簡無計暖疎櫺瓦雀言何細浮雲影自青

午日

江心鑄鏡出照膽似秦宮菱蔓魚窺角龍盤雨布空  
新組續命縷復作赤靈符氛淨梟羹盡浮觴可屑蒲  
地臘增官爵繡金獻所尊蒼梧賢守後潔服舞童新  
采艾宗文度浴兒田孟嘗飛鳧觀競渡興念在津梁



八字蟾蜍角新聲鸚鵡毛欲知當暑始應有葛衣褒  
雪怨四首

揚州積突雪十日不知止未見富民豐先聞貧者死  
凍釜懸千竈殘衾落二毛淋淋光可鑒疑是乍磨刀  
雪厚人情薄歲除炭價增遠山頭盡白幾夜與愁升  
乞兒殉雪衆野鳥墮林多媚子稱佳瑞幽人泣太和

姑蘇雨

甲午三月

七日姑蘇城五日姑蘇雨城如少室山面此忘今古  
積雨如良友能令俗事稀復茲曠日出口落將焉歸

河濱詩選

卷八

四

韋守焚香處吳人尚效之客貧無此物知與雨一宜  
淺渚一篙深大江千里浪沅湘人奈何莫雨不能望  
藥磬洗空鐘賴天垂碧雨妻孥江南城傾好作書與

大悲堂納涼

城隅西北盡水曲一舸通不是羲輪薄熱心此際窮  
行樹綠陰密徐風曠野多昔人圍館意今日更如何

作客厭岑寂荒涼返可親更知園館主慶歷代中人

先君  
同年

劉先生以六曹  
編收廿一史

胥門



扶日懸門處怒濤今古過知公常不昧宰語尚猶多

閩門

天閩縣百雉虎豹不須關浩浩勾吳地遊人不肯還

盤門舊作蟠

水陸相縈盤復有湖入海古城已廢輿蟠木今何在

齊門

齊女思鄉處時吹東海風伐齊失子貢於越反成功蘇州之門

以余所遊者詠之婁門葑門未至故不書

四月望日霧坐偶占二十四絕

河濱詩選

卷八

五

運旬陰可憎總在雲中住此日欲朝暾何來飛紫霧

礎潤不收潮塗泥晴且滑人行路難寒氣如秋殺

月沁千年蚌水生二尺潮來卒將及稼市井尚蕭條

霧外聞黃鸝霧中聞布穀何堪三兩聲喚出千家哭

桑條欲着棋蠶箔未飛蛾絹帛茲時盡機絲且奈何

城中人墜戶城外野空村不是逢寒食禁烟欲斷魂

垂垂霧氣昏戴天怯天重如乃眉稜間沉沉愁錯綜

讀書目未開兀坐令人老勺藥豆猶存看花悔不早

晨起漫悽悽人家猶作寢不知在霧中暗濕珊瑚枕



忽復念江汀蒹葭一抹青平沙巢燕去莫更捕蜻蛉  
納想空天海蚩尤已廓清應將嘶馬處細聽牧牛聲  
擇隣非緩事蔓葛禍家家獨立羣不虞猶能少嘆嗟  
灞上多兒戲朝中亦積薪如何忙裏客不念靜時人  
久客生涯窘懷歸晝夢私此間山與水強半是相知  
平生貪種竹竹雨動心哀似有別離淚先從此友來  
病酒不除酒從人乞醉歸霧堂驕白髮繞膝總斑衣  
多以少年累經今事事忙蝮蛇能駕霧慚愧不相當  
卷軸紛縱橫載歸嗟道路今茲可百年不暇生餘慕

河濱詩選

卷八

六

輿圖志古人尚友臥遊兼相識半天下先生太不廉  
幸藉貧無禍時因客共豪桂薑從老性麋鹿省煩勞  
豫章高入漢沂水靜吟風無日不相見見時酒不空  
向生知損益易道固如斯但免泥中罵愁看郭外旗  
羅什異前身劉伶慚後覺敢將大隱心再試東方朔  
棋局何遼濶不如袖我手金人可以師只在緘其口

畫菜

廟堂方肉食藜藿不曾嘗此物有神理淡中滋味長

湘竹器八詠



夏日何所宜北牕凭竹几更對湘妃斑如泛湘江水右几  
衣桁被錦繡無心不知業以此法君子直節終自明右櫪

清如一片玉主人欲鼓瑟更有佳客來置酒清且茲右桌

長夜讀書罷薰風雲如火匡床達人鄉良友得宰我右床

古德危坐苦當膝席皆穿自有君堪倚四支遂所便右椅

頰雨未皇寧于焉新沐始藉其消潔心念汝丕承理右盆

行當踏實地止不學結跌我守威腓戒安安無憂虞右脚

非凡亦非床可與賢者坐觀面花間詩朝暮成清課右櫪

紀夢右序

河濱詩選

卷八

六月二十三夜夢神人長九尺餘云是謝超宗峩冠博  
帶望之儼然有欲塑其像于塔下者謝云此是君子位  
凡茶毗者皆其司吾不忍觀靈祠他所也又夢一司馬  
墜域其坊曰六六耕牧事亦甚奇各系以絕

義凜習舉火何如馬鬣封吾聞君子位不任謝超宗  
三十六封域賜田司馬墓攘苴骨已寒耕牧人來去

看荷花

小舟窮別浦未午到夕陰人觀荷花貌我知荷花心

花葉香迷權水禽熱倦飛頻入花中去還愁月下歸



淺水種芙蓉只恨少珊瑚欲借溟渤海采蓮日東隅  
聞蟬

惟君清無求鳴聲胡不止白露將盈枝先作秋光喜

惜夏

有引

古人惜春除夕皆有作夏秋之間不能無感以意創爲  
或有同者

朱夏九十日日日畏高曦獨我懷深感低回惜夏時  
俗眼喜迎秋迎新吾所恨卽將棄故心撫景成荒顛  
榴花裙子色荷花坐下情閒中堪結夏預愁落葉聲

河濱詩選

卷八

八

夜半猶爲夏夏變五更前欲見祝融帝還當再一年

香草

香草生揚州暑月上人頭茉莉花滿市髮引十年愁  
窮味及山珍采香遺寸草嗟汝奢淫心萬物不相保  
草木有一魂采葉草心傷但無爲臭蕕不願爲都梁

秋熱

出幃有蚊鏃入幃汗成漿非嗜羅幃好利嘒不可當

嗚齋同

天河乾且淺蝙蝠滿空飛早早祈寒露濡我舊葛衣  
月暈令人惱今時喜暈生陸居非泛水風潮不可驚



秋海棠竇應準提庵

彼美晚粧寒，嗟秋共倚欄。散花來佛地，也被俗人看。

漢宮秋 亦名剪秋羅

應嫌秋色淡，作意故為濃。風至雙團扇，影在兩昭容。

橄欖

橄欖有回味，其初不可知。但教回味好，經過更相宜。

閩天清絕處，橄欖荔枝甜。荔子能奔馬，請君莫畏鹽。

為問閩中吏，秋吹草木霜。何時將橄欖，遙寄到江陽。

橄欖克兒果，不知且作湯。兒年方鼎富，我老幾回嘗。

雜饌為兒

河濱詩選

卷八

九

予山饋此果  
予以為湯

九龍連海島，一域啓無諸。橄欖來江國，兵戈阻鴈書。

建寧香

棋盤街上地，樸地建寧香。上國吾無福，南遊路更長。

前身一眾香，艾納及都梁。欲倩牛頭供，楞嚴作道場。

犀盃

駭雞容未得其敢，望通天此物猶相假。人情亦可憐。

卮酒同良士，杯捲將孝思。思親與不思，總是自心知。

敬雲



同雲瀰下翥袖手復殘年一片方飛墮閒中慮酒錢  
竹邊山色似硯外古人同皎皎宜寒雪莫須論大空  
紅閣琴絃凍珠簾鏡架遲勤來朝起早只爲是男兒

雪渡

晴江江色佳不如雪中色兩岸玉粧成清流生深黑  
江雪勝山雪溶溶落落便虛莫復比時雨雨點打驚魚  
漁艇總堪畫蓑笠亦不同吾今及午渡只喜少遊風

京口二十九首

勾餘予朱方今存慶封井誰似陸龜蒙能解吟斷梗

慶封井

河濱詩選

卷八

十

京峴天子氣曾煩赭衣鑿帝王凡幾更山色猶如昨

丹徒

北固樓邊水年年入海明謝安軍實處咫尺廣陵城

北固山

每入甘露寺古鏡種蓮花便欲汲鰻井澆灌學僧家

甘露寺

孔明坐處石三國使人愁我咏蕭梁句舊嶼興新洲

狼石

前代讀書年春色江中寺金有裴頭陀玉留蘇學士

金山寺

太守唐若山中流偕仙叟惟有李公垂知入無何有

玄宗時事

出太平

廣記

山公能清嘯琴鐵亦不孤超然獨興會誰繼李司徒

司徒勉事

譙山三山長大雪益清顛爲念祖雪人見機獨爲早

魚山亦作



山誰

比年無艇子難問壑鶴銘海門雙石處烽火莫青青

海門石

昔日萬歲山曾有萬歲樓鍊鍊徒多事樓今竟不留

月華臺

花山山上花花開復花落今時花盡無不是東風惡

花山亦名

山東

京峴山下湖武帝象龍目因思此山形老子寧為腹

京峴山

孤峯無澤蒜宋武能橫戰寄語孫恩餘氛莫近岸

蒜山

黃鶴名猶在黃鶴去不還行人休再訪此是戴公山

黃鶴山

鉢裏天台種春時開杜鵑司花何處女重九謁神仙

鶴林寺殷

河濱詩選

卷八

七

七七

招隱真珠泉傍有玉蕊樹神女折花來忽向玉峯去

招隱寺

峯嶽五州山匆匆未得往九州更無涯莫作九州想

五州山

稚川不居洞青童已非昔我將鞭石龍豈暇窮馬蹟

馬蹟山

兩山神異處小兒應圖章世無諸葛恪何人辨係囊

兩山

相傳高驪山舊有高驪女海神事渺茫酒人亦虛語

高驪山

夢溪如覆錦可是沈郎居我夢江南路蒼茫未卜廬

沈括夢溪

西浦古須口霄漢杜蘭香惋惜交州客此地一勞皇

京口亦名

須



往來丁卯橋甲子不可計人人知許渾不知晉元帝丁卯橋

曾望咏秦潭時猶荷徑繞秦人今獨來無荷只碧草秦潭

鄭人箴左氏聞有郤情註可笑文人腹不及古人墓郤情墓

潤州蘇家舊多藏古異書兵戈如秦火後此定何如墨莊漫錄

所載

率更勒燕樂古玉十二磬景雲河大清至今思前聖唐書語事

天道直高遠滄桑竟若斯不惟天慶觀嗟嘆同姑詩詩是聶碧

意所作一哀被擄婦一詠胡婦皆天慶觀事

冬蒲有序

河濱詩選

卷八

七

古人托物起興蓋以意藏於中觸之而流未嘗有比也  
或合或離則有反興予之為詩無意為之以物起予聊  
以遣興云爾閒適者見之以為閒適憂愁者見之以為  
憂愁主於天籟不言言志此亦教外別傳之旨也舟帆  
駛甚顧見冬蒲率爾有會以筆傳之

秋蒲葉半綠冬蒲葉全黃刈草人不及賴在水中央

葉上風劇寒葉下魚藏煖葉乾易腐敗風戛日月短

渚淺蒲叢生葉枯猶蒙密潛根相蟠連只待春風出

雪積蒲葉重無以露蒲身深雪含大道想見蒲衣人



初夏

水國易爲暑土蚊欺客旅初夏使人愁他鄉誰留汝  
初驚麥覆鴉旋怕蠶登薄農婦忙田間那知花片落

大隱庵看牡丹

新艷不能藏有才難自怨莫愁風雨來爲汝少年慙  
淺紅含膩粉重重心所可一枝已銷魂何況數十朵  
深念藏花處今朝始得過香中人不醉其謂此花何

杏樹

重尋老杏樹渡水過民廬翠浪風吹麥空郊犬吠車

河濱詩選

卷八

三

田間塵亦好吹上菜花香市陌烏紗帽應愁日日忙

江左雜詩

數重江左山一片海西境千古去來人多少金鏤影  
紫翠與芬菲僕人不可掃江南已十年忘卻江南好  
山河千月影風雨一聲雞常恐花間路深生燕子泥  
艸子如鳧雁水嬉輕且嫵忽思杖鐵行格殺南山虎  
髮鬢各生華眉間莫再白此言贈壯年天地誰非客

就枕

中宵簾不安白晝心如杵兒女啼饑聲他方離別語



腥風

腥風吹蔓草古雪照寒山爲境無分別自知方寸間  
鬼王入鬼中行此慈悲事鬼趣滿乾坤鬼王難盡治  
臣朔饑欲死侏儒飽欲死饑飽繫他人云胡不知止

橋

橋低礙客舟客子舟終去我不礙于人人俱得度

宿新豐市

地非粉榆蹟客思新豐酒今古多痴心故鄉何所有  
突然一片雲頃刻打船尾捕燕飼神龍三秦哭旱鬼

河濱詩選

卷八

古

曉入孫祠堂談異物

岸挾虵窟窟風吹杉朴樹水通小聚落遊人自來去  
身入馬馱沙耳聞榕結屋海中千萬種怪形談不足  
大西有小鳥其小等于蠅樓閣爲巢巧人工詭未曾

林老

林老霜凌葉山空石礙雲卻猜湖上句先向澗中分

惠山六首

遙對惠山雲如見佳人面今睡惠山傍他人應我羨  
登山望年衰吸泉覺齒冷雖有數弓池羞照華髮影



柳岸搖輕颺杉林挺直筆自與世情疎甘同鐘磬密  
片月停山頭螢火動泉眼安得紫玉來同斟黃金瓊  
泉香肺府清酒列憂愁化我已讓醉鄉此水仍用價  
陸羽不復生黃歇久已死欲訪山中人恐只劉伶耳

盧鴻艸堂六詩

有序

李白詩與皮日休書稱徵君不置偶觀米襄陽志有  
堂樾館等原載十志而林彥所臨李伯時本止有六圖  
予愛其名遂作六絕以志向往

幕翠庭

河濱詩選

卷八

五

深林稱緇帷山庭署幕翠何人時往還明月倏然至  
洞空室

守此師老聖苦忍心無味何必待功成奉身始肯退  
期仙蹬

嵩嶽正中天緣雲間紫烟神人垂大耳恐是萬蒲仙  
金碧潭

潭影自悠悠空搖金與碧誰爲潭上人肯爰尼山席  
倒景臺

高臺象嶽尊白日相爲永飛想絕塵寰居然凌倒景



桃烟庭

春色溟濛裏不知別有天片霞眩旭日一半是桃烟

虎嘍

每渡虎嘍曲無物堪克稅津吏笑書淫往來木蘭柁

新雨噤啼鴉藥鑿香小艇座間三味經深理可孤醒

芒稻河

雨打小溪舟閒心未許愁卻噓溪入海禁水入東流

疎塍抽細麥重埂斷支江此岸宜為屋萬竿遮草牕

曲阿十八首

河濱詩選

卷八

去

楊樹生丹處猶聞天寶年誤將多赤柳溷向後人傳漢晉之月

陽縣在建康西今之邑則唐之丹楊也故改之

三十八福地論山仙所都九靈雖褊小曾有道崇俱道崇魏法

師隆也道門推頌貞觀時召入京

銅牌照漆燈此事良神怪留待沈彬來達生莫自臨沈彬以林

名南唐之處土也虛塚事大奇

東西兩雲陽遺瀆名破岡六朝今已矣輸運久云荒吳赤烏八

年發屯兵二萬鑿句容中道至雲陽西城以通吳會船艦六朝因之

練湖褚太傅唐突孫興公那得塵埃客方可厭狂風用語林



宣騫母化電報恩婢放驚人生反覆間妄想當澄澈一出丹陽

記一出續按神祀

雙井連數尺北南判赤黃乳泉稱第四欲共伯荔嘗玉乳泉唐

人劉伯荔稱以第四

孫鍾灌井傍知有三仙廟不見種瓜人常思仙鶴叫鍾破虜將

軍堅之祖也瓜丘三仙郎三鶴也

七陵猶可紀朽骨少威神銷此千年慮唯憑一聚塵孫武烈吳

陵齊高帝泰安陵齊武帝景安陵齊明帝與安陵梁文帝建陵梁武帝修陵簡文帝莊陵

欲經張祐宅便訪蕭梁址梨栗豈能存涅槃聞不死祐宅武帝

河濱詩選

卷八

七

徵時宅皆在丹陽卽位後曾幸之

流寓仰權臯守身勇且智能逃祿山官復免永王累臯德輿之

父也安祿山皆置幕府詳死脫歸永王璘舉兵詭名以免

我知石曼卿化入芙蓉城詩客麥舟處堯夫此地情范堯夫事

邵氏見聞錄

包咸受論語韋昭著吳書仰止前賢久此生不可虛咸光武時

人爲明帝師昭三國吳人封高陵亭侯華覆曰昭在吳吳之史遷也

低徊悲彥範吟咏繼光義唐代灰飛後人文日照時桓彥範是

謀復中宗見害于武三思者儲御史之詩有集



吳淑有俊才中林稱蘭蕙善知禮樂情令問終無替五代  
韓熙載滂佑之所同稱者其子道路秘書校理

邵餗有節行篆書又兼工至今稱處士常在古人風冲素處士

曾見知于范仲淹者其子亢

並馳萬馬中駢足獨爲難試問王存墓何人着眼看慶歷中進

士嘗論朋黨故不可長然不察則累及善人司馬溫公深稱之曰並馳萬馬云云

我思翟汝文卓立忤秦檜風度故翹楚洽聞亦爲最

### 鶴鳴

鶴在月中鳴聲入江邊客月光感人物但覺山川窄

河濱詩選

卷八

六

驚雷催雲黑傾盆怨雨大鶴舞知不停聲聲應入破

### 淳化閣祖帖

祖帖貴不貲云藏秋壑處流傳賢者家復當誰家去

### 穀雨

三月寒猶劇闕扉不可遊參差花上雨顛倒篋中裘

春盡愁俱盡春杯有大功比聞故國釀價直貴南中

### 漁家四首

李子懷兒女而作也

柳鬟縮不成苦髮梳不息溪女與溪兒菱花窺水色

文岸漁翁居臨溪兒女弄閒愁定有無綠水飄清夢



荷花圓青葢藜花穗紫粟垂垂蓮子多日日悅歡目  
漁家兒女歡無有思君苦江北恨江南年年人不買

二月六日將歸揚州

石壽鴻濛色花敷少艾粧如何遺此輩又入土塵鄉

子瞻

州爲塵土  
狹滑之鄉

池上三首

往來池上側池淺復池深豈但觀潮汐雨暘歲歲心  
池水從人汲池魚不敢嘗菱荷何處好但借一時香  
池中無百畝未可築紅亭但灌芙蓉岸猶沾草色青

河濱詩選

卷八

尤

居山四首

不求江上遊且向山中宿莫動羨魚情砍却青青竹  
落霞劉夢得古井白香山諸老如吾輩閒時且自閑  
應知山外望金嶼是蓬壺坐卧觀新月莫教讓老夫  
江風今不作山茵又生香相約峰頭住與君子細嘗

憶黃山六首

秋山何處好再四憶新安三十六峰下飛雲如海寬  
苦憶豐溪上清漪可種魚豈無人把釣只有雁來居  
山路多松樹團團翠影流應知人易老不爲夕陽愁



射虎常逢石射蛟復愛龍樵夫有利斧早晚且相從  
曾得黃山杖其長與我齊贈人人不識誤用踏塵泥  
黃山僧入滅黃海客飛揚寺泉何日飲吸取硃砂香

文游臺次雪蕉韻

雲烟過眼

湖水流不去大海遮殘曛村鳥隱難見衣裾襲碎雲  
寒禽湖水外落葉古臺前城郭鱗萬屋晚炊半未烟  
林黑水生明樓臺影漸大吟眸碧空西縷縷藉霞過  
漠漠魚置中菰米鮮秋產此郡邇吾封好放空濶眼

雜詩十二首

河濱詩選

卷八

十

菜花集曉蜂融氣相翺舞西域多黃連蜜成不改苦  
夏來樹影肥一一堪遙賞復愛林間人科頭無外想  
朝見東風吹夕見南風吹離離堤上草宛轉復何知  
厭射湖中鴨復憐市上鱗山深林影黑笋簾對嘉賓  
螺甲盤深淑麥旗密野田遠村容隱士應讀素書編  
舊碧王孫草膩春玉蕊花不知贊皇石今日立誰家  
移遲憐花魄臨流折藕絲水銀盤露葉絕勝早春時  
垣衣豐樹雨書帶引清飈但有斯人者貧窶不爲愁  
疎散如堤柳清貧但港蒲賢多時易隱與嬾夢常孤



櫻桃未薦廟庭麥未登場應念青峰下菖蒲若個長  
但見帛如帛卽知綸似綸深山無草譜虛度草間人  
誰謂石無情多姿復多德靜對良益人于茲觀典則

舟中雜咏

鷓鴣棲一枝狡兔營三窟我意兜羅綿世情山突兀  
共看明霞色五更更覺好玄納垂四圍錯落光瑪瑙  
茫茫大劫中日枝燒灸海魚隊混龍蚪明珠莫炫彩  
颼颼聞樹葉雜入水聲間客意將何極白雲應自閒

自君之出矣

河濱詩選

卷八

三

自君之出矣庭樹與誰榮愁心如亂草閒處不禁生  
自君之出矣妾苦君不知君意如流水頻頻淺處遲

咏物六首

枝幽猶雪色香淡已春風自是能詩客趣向亦不窮

臘梅

冰膚宜粟烈想像凌波步莫問水中仙徘徊猶未去

水仙

殷紅瑞香素霞來相映自子出嬌妍梅花生妬病

山查花

憑儂海上姿凌風復欺雪觸眼多凡禽羨君翎翅潔

憶鶴

迷離不勝情所咬露中草誰自月中來仙踪不肯保

白兔

寒至雌呼雄依依還相向慈當何寺棲壽爲何官放

白鴿



偶作二首

砧聲午不休鐘聲曉仍發驅心過灞橋長對華山月  
人自故鄉來不寄新秋信曉曦翠栢烟一時神已盡

雜興八首

采薪煮石棗三日甜如蜜豈敢比豐年凶災猶見恤  
城中泥沒甍陌上土埋輪靈雨無中外龍公亦賺人  
榴血珊瑚紅雨增珠露泣花知不可堪上下俱全濕  
入山采山葱于沙采沙椒防風防貴早愛此及根苗  
但知木有菌不知沙有耳紫沙漠漠長此味或相餌

河濱詩選

卷八

三

董茶不可嘗烏藥還充餓惡類苟相宜小人亦見賀  
石上萬年苔溪中一勺水無味猶相煎况當稱味美  
種豆未登豆豆蔓半枯榮民馬無騎處四郊莫再生

寄題乃來館二首

清溪遶屋叙佳樹當軒秀不必入深秋蕭蕭寒白晝  
共借峯頭色獨貪峯下影夕朝日不同總是芙蓉冷

八月贈友二首

建酉占南極群知月令佳黃花將作液丹字尚鳴蛙

百歲者上

有丹書

八字



我有尊中酒君能物外偕何須拾瑤草松下學清齋

關門二月朔登眺二首

餘凍凝陶穴新曦入戍樓三河如線縷一一向人流  
二月看朝霞輕紅似絳紗又疑東海嶼今日放桃花

青門

三月青門路乍晴還乍雨故侯不種瓜久作黃泉土

灞橋折柳圖爲彭郡丞鴻斐作三首

送客出秦城秋烟疎柳平从前未攀折只是不關情

楊柳學人眉眉顰當爲誰相離不相見一一斷腸時

河濱詩選

卷八

三

昔日京東路天涯自此長江南梅寄使灞水柳牽腸

盤屋咏物十首

椽竇屑爲粉椽苞染爲皁可憐空山中觀風人不到

椽粉

冒得來麩名感嘆秋風至爲問蕎麥山久無避兵事

苽麩

蹲鴟清且美田家奈汝何試從官舍側一唱芋魁歌

芋魁

漢武池沼內華山玉井蓮葉香浮心氣調水汲乳泉

荷茶

江南熟見汝兩角復三角羨殺小江南帶水猶親剝

芡菱

野人思肉食王公翻野蔬此味復將盡披求意何如

松菌

嗟汝心玲瓏藏密汗泥押奈此一盤中須費三尺錘

雪藕



紅葉尚可觀赤實良可愛書字不勝情相與冰齒外赤實

肝鬱莫貪詩木氣宜清蕩一丸火吾宮內景或足尚萊蔬

本嗜伊蒲饌且作五葷人趙李相經過玉拳味亦新玉拳

紫雲樓

無梯不可登

高岑日相對勝絕紫雲樓莫比靈光殿靈光久不留

繫牛栢

後人作石牛二枚

老栢萬虬龍繫牛知何樹石牛不可耕耕者砍頭去

宿樓觀堡

虎巡臺畔路日夕啼清野嗟此樓觀人逃亡室廬寡

河濱詩選

卷八

五

望仰天池

水中愛島嶼山上羨泉池魚隊皆龍子秋深風雨時

滯雨

山雨故清塵椽林應有異曉噴逐婦鳩莫對遊人戲

附六言絕

甜斜口

驪西斜口陶穴村店遙喧鼓聲忽憶春蒐古禮近時猶在

民情

欲浴



欲浴温湯及曉海西直到江南此人塵垢太甚此水恐已  
難堪

潼邑卽事

柳弱無風欲蕩雀輕背日同栖春色分明自譜不須畫手  
方題

馬濺春塗黃霧原橫烈日紅城櫟陽未見宮闕角里久愧  
先生

河濱詩選

卷八

三



河濱詩選卷之九

朝坂李楷叔則著

七世族孫元春時齋選輯

莘野王又旦幼華叅

同里後學并書田文圃叅校

男建標赤訂

同里後學謝蘭佩晚九校刊

七言絕

江都懷古

盤古山前草靡風鳳皇林外月涵空曾聞天下太平字原  
在江淮蘆荻中

無雙亭下花難補第五泉傍寺尚存不用遺聲憐九曲只

河濱詩選

卷九

宜雞犬滿千村

海陵煙塞昭明港故苑淒迷賜帝溝萬里岷山通海角大

江日夜向東流

嘯月樓

樓傍錢馬下長安嶽色誰憐司寇冠渭水濯纓時一嘯切

雲咫尺不輕彈

江南漫說仲宣樓捫蝨山居意正悠夜半月來毛髮豎一

輪缺處似吳鉤

仙蠶鱗角看抽絲忽唱劉琨重贈詩故友誰為盧子諒劃



然獨嘯萬山悲

元龍百尺氣峻嶒檻外山寒六月冰呼吸通天秋掃葉不  
將鸞鳳比孫登

泥牛

與友人談

月下披雲笑一聲披雲山上此同情曾教溪色供天眼碧  
穀青羅逴化城

構園

小齋城下水涓涓空水無花知有蓮更復中宵聞鳥起落  
梅一片打寒煙

河濱詩選

卷九

二

移竹

廬遠渭川意不勝昔經淇澳夢頻仍蹇居雖是瓊花地倩  
汝清寒萬葉冰

一笏方垣不受塵新栽竹活便忘貧揚州花有十千種未  
及幽牕面翠筠

梧桐欲葉意崢嶸恒有春禽學鳳鳴故倩叢篁媿棟實也  
求仙露割金莖

寄閩清令

九仙山下九仙樓閩越王封海氣秋野意誰尋韓孟像止



戈舊址亦悠悠

浴鳳池連蘸月池古杉靈鳥自當時祇今鳧寫穿林壑詎  
爲真香覓荔枝

普賢荒寺到今存五代煙飛日月昏我今停雲不可至空  
聞龍爪碎橋痕

春花

妖紅朶朶滿頭春妬鶴烘霞太惱人那得山中閒草木也  
粧富貴綉清新

輕薄叙枝如颺燕紛紜艷片半迷鶯東皇左个渾常見不

河濱詩選

卷九

三

是寒花故國情

有亭

有亭有水似江村鷺鷥蒲蘆長子孫四壁無山雲也到一  
時清蔭滿丘園

雲峯雲谷壓城樓爰夏攤書午未收天以空冥生五嶽人  
疑涼雨似滄洲

普渡庵阻風

羣溪交會此山閒孤牒蕭騷倚暮灣可是飛廉偏惱客倒  
吹雲葉過前山



塞口山邊水似江濤聲掀雪打僧廳明辰未卜于湖道且  
借枯根繫野鰾

風狠溪柔不耐催巖噴壑擊轉殷雷無端客子停山下石  
作肝腸也化灰

路斯湖

雙綉戰水千麟怒九子彎孤一目降風雨張公將復至血  
腥每每染湖鰾

爲憐昔代陸沉日無地崢嶸表一隅舟楫不能辭大險豈  
徒嗟嘆路斯湖

河濱詩選

卷九

四

路斯湖上鷺鷥飛水會黃池黃鱧肥姑孰宛陵分界守蕉  
苻一笑旅人稀

曉入錫

櫓聲扎扎每天涯三十餘里聞曉鴉不識山前沽酒市先  
看布被結霜華

霞車

有贈

江樹秋氣蕩衣虛滌出青峯照草廬昨夕吾經黃海月曾  
鞭雙鹿騁霞車

五嶽圖將負遠行甕頭瓊液湛瑤觥自從買得靈壽杖醉



赴蓬壺海外盟

雪街

冬來天短易黃昏我亦讀書深閉門  
雨雪街頭知夜冷  
人寒血曉猶存

酷吏夜巡  
朴人求金

明鏡庵

宛句秋光夾鏡明  
林開珠露葛衣輕  
虎溪莫比前朝事  
送客時時出寺行

七月林深便欲寒  
孤烟直上鳥聲殘  
斜暉正好溪山暮  
拍與北樓倚杖看

河濱詩選

卷九

五

彩虹橋畔藥苗青  
更剪叢篁露微亭  
數步溪干還可訪  
裴公井水比南冷

冬甲子雨乃不肯止作以遣之令其出城

嘉禾

破紙糊牕卻晚風  
雨聲歷歷入衾中  
旅人不用耕田雨  
送爾湖邊浴白鴻

畫龍

蚪螭盤拏怒雲飛  
雷金聲電影輝  
此日下方沾雨澤  
饑人得飯凍人衣

遜翁



徵國何緣署遜翁道高百代尚春風多年禮樂非南宋只  
在先生家教中

曾港

江湖纔聞興已釀汀洲何處采芙蓉碧山缺陷招雲補叠  
紛堆華千萬峯

魯明江上待飛舟風不揚波綠影稠此後恰如人作客寒  
颼木葉又逢秋

荒郊曉行見羣螢棲茂柳粲如珠樹有作紀之

月鈎曲暗大江濱螢樹叢珠照野津何處書生囊自脫近

河濱詩選

卷九

六

來菲薄讀書人

灌籜

新移翠籜霧堂邊扶病呼童日日憐不爲微風能戛玉豈  
因歲旱費寒泉

立秋前一日

明日秋颼欲扣舷月光今夜已偷傳牕臨北斗天漿注不  
到三更何可眠

清泉不可臥中央那得空山晚翠涼今夜船居盈耳水真  
成瀑布濺山牀



烟龍吐火作焚輪樹杪烟光恨積薪海色宜秋逢遠客醉  
鄉遣夢是歸大

布幙

日沸層流作沸湯新裁布幙引輕涼莫言質薄無堪藉猶  
許詩人共野航

朝支早旭下扶桑莫送虞淵落大荒如此雲華相庇護不  
同樹影暫商羊

自許微躬隨皎日甘將焦苦耐炎威清風渺渺羅裳薄列  
子十旬今始歸

河濱詩選

卷九

七

雪消

液雪之聲異雨聲凍流斷續似琴箏還如昔日攻書處百  
道幽泉細細鳴

病稼

山中茅舍總無隣樹樹羌桃葉厚勺虎跡盈日麩病稼洛  
南誰是隱居人

舉網得魚入谷柴磨刀樵收捕熊豕黑潭水美村醪熟慟  
絕當年事已乖

萬燭



萬燭熒熒照女牆貧家老稚嘆餘糧也知城上舟難駕卻  
像元宵看戲場

寺鐘點點打天明城上邏人甫下城應是此方人嬾惰鬼  
神不許久承平

一夜城頭費百金鎗竿踊貴卒難尋始知古昔清平日信  
得成城止在心

厭雨

厭雨還思未雨時夜來江犬吠春籬風消不送東來艣臥  
到天明起未遲

河濱詩選

卷九

八

十日全無五日晴陰陰懊恨念春鶯拍春蟻蝶從花約如  
此淒其斷友聲

春陰作雨不得復至我序亭

常年厭聽賣花聲縱近名園不易行已過春分天未霽辛  
夷寂寂閉江城

園花園石靜且閒家貧無計買春山故鄉碧草燒仍合此  
地黃鸝飛又還

折花每每惜花枝留待他年再看時天地有情春不斷園

亭客主屢推移

雨中花氣幾分香白石青苔鎮日長紅粉深深簾卷易老始  
知前輩恨昭陽

和題美人畫

彼美臨池靜自耽芙蓉粉楮筆花酣管城還惜湘妃竹硯  
不驚紫石潭

倚闌姝者每含愁歲入春華總是秋不合黃金同貯屋那

應玳瑁又登樓

鄴上有玳瑁樓

怪底佳人亦理琴無聲有緒此時深鸞膠不斷鴛鴦線鳳  
沼常流洛浦心

河濱詩選

卷九

九

美人對鏡妬魂生卻恨他人鏡也明一樣菱花人異照豈  
能秋水大無情

虎丘

泊舟飽眼醉花光罨靄碧桃妬海棠但得名花銷客恨不  
須麗句憶真娘

無買花錢奈老何一年幾得此丘過安能蝶化穿香翅更  
遣人持駐日戈

翠剪春工絳剪霞我來猶看朱家花情知花是無情物莫  
遣移栽塞上沙



春莫不得看花嘆之

眼中不見種花場一半風霾阻半塘卻似天神收女去仙踪共嘆杜蘭香

茶雨溼寒藏雀舌花風輕薄惱鶯腸青春過隙真如箭白髮回頭不用忙

誰家芍藥侮深春木筆生花亦笑人天女散花吾不與還愁滿着未來身

野花短艷儘情多不似春衣五色羅織里娃官堪一醉當初此地夢中過

河濱詩選

卷九

十

滿搏頭花煞太狂於今思憶未淒涼簾櫳結子驕春雨樓杏吟詩傲夕陽

夢購書

黃嬾每嗟眸子倦青蚨久愧乃翁虛南柯鬼物聊相戲却買平生未見書

石城

于湖東下石城荒新鬼秋魂事渺茫誰道鴛鴦七十二一時羅網打鴛鴦

承慶寺木香

寺竹風陰寒色裏山屏日偃晚霞中此時獨有木香幹  
屈蕭騷與客同

靈威

羣盜拏舟若鳥飛太湖無客訪靈威支硎今歲思前歲猶  
得遨遊日暮歸

鷺州六首

逆知水旱聞袁玘枯水復生紀褚翔吏隱應須懷古德雲  
巖松嶺漫平章

瓷餅仙者人中龍餅碎無人識此翁高咏伸尼長倚木酒

河濱詩選

卷九

七

闌一嘯生悲風

右申屠有涯

靈蹟偶來冲寂觀凌波戲浴漏湖烟至今湖水迷茫處孤

洞流雲憶許堅

右許堅

石立國山有九岑吳王頌德此碑尋遺文憑漫封苔蘚善

卷洞中水自深

右國山

幻絕嵌空凝邃碧沈澗一洞署張公燃燈白晝穿雲窟此

事無人與我同

右張公洞

漁磯突兀臨深谷往昔孫權此釣魚今日烟山猶可釣婁

涼三國盡丘墟

右烟山



曉

雞鳴月景一床清詎耐狺狺衆犬聲俗嬾還稱嗔早起冰  
鱗五鼓到吳城

大雪

霧堂隱几不禁寒猶勝驅車道路難白日無人幽似夜且  
將雪作早燈看

竹雪

積羽曾云能折軸爲憐積雪翠竿危無端識得人輕重千  
古賢愚史外知

河濱詩選

卷九

七

貫酒

桃杏將華先貫酒鶴鷓欲到莫張羅誰云療妬須羹用嫉  
妬才人比婦多

時人好短葉水仙葉長用短挫高爲卑大可慨也爲  
賦小詩

爲天作巧剪春株硬使矯揉像画圖莫嘆人情皆誤尚花  
神近亦變侏儒

揚州有爭花歐人於市者志其俗以譏之

宏暮梅花看未成揚州辜負賣花聲山茶蘭草聞多事不



是蜂蝶也共爭

遊建隆寺三首

郊遊日日及春晴  
味爽呼童便欲行  
陰雨常多春過半  
不慚醉臥在蕪城

黃楊始破引蜂花  
雙樹參天葉未遮  
趙宋宮前承輦草  
翠烟如染軟風斜

建隆二年以行宮為建隆寺僧延如不知以為貞觀重修者非也時有柱礎猶存焉

鐵鑊不知何代器  
閒拋瓦礫野田間  
蛟龍風雨愁多少  
有客凄其弔古還

志云鐵鑊高尺尺厚四寸五分周圍一丈七尺相傳元鎮南王府故物或云梁築浮

山堰城而復潰以蛟龍能來風雨破堰其性惡鐵乃鑄鐵鑊釜之屬數千萬斤沉之

河濱詩選

卷九

三

揚州雜咏 乙未

十里珠簾芍藥廳  
萬花會記蔡繁卿  
今時芍藥無消息  
金帶何堪競俗名

禪智寺前芍藥壇  
當時名譜艷人觀  
御衣黃落羣芳盡  
御衣

黃冠羣芳皆芍藥名劉攽王觀各首之 此事凄凉不忍看

四月無絲觴芍藥  
焉能三異見瓊花  
風銷葉褪占豐歉  
王女七香何處車

十宮最嘆江都北  
惟有臨江楊子津  
花斨霜戈曾塞陌  
釣臺今日亦沉淪

楊子橋即古楊子縣治場帝臨江宮帝幸升釣臺云



駱駝嶺上駱駝來皂角林中生草芟翠羽飛鳴行殿日建  
交遺事使心哀

江渴曾經嘆永嘉墳星南斗兆琅琊卻傷至正江仍竭江  
嘯江南草木譁

星野參差不可分入牛入斗漫紛紜

魏太史陳卓言牛八度隋唐皆云南斗明

清類分野書自斗三度至女一度爲吳越分又天市星第六太微垣上臺第二星紫薇垣北極權星熒惑星皆主揚

州不知斗野亭邊客曾否天官事與聞

龜山寺址大江濱南望金山舊駐軍自是江南容立馬西  
湖空掩岳家墳

河濱詩選

卷九

七

得勝湖西得勝山宋人去後草痕斑莫將祠廟懷盤古滄  
海桑田在此間

輯江淮物紀元封會大海氣亦鬱葱帛賜孤鯨貧者粟漢  
家事業果難同

謝家太傅古英流淮海猶傳甲仗樓爲憶功成讒且至甘  
棠老檜總悠悠

青鳥飛集盜踪嫌曾有東陵聖母瞻飛出牕中雲影遠如  
何大盜不爲殲

澄月亭邊懸鏡亭玄珠閣下翠青青紫騮青雀流霞處煬



帝歌詞不忍聽

伊婁河水入江沙齊澣當年事亦遐不識萬年千載後何人何地訪瓊花

隋家金玉飾龍舟浮景九艘水殿幽八萬餘人翔兩岸王洪遺恨滿邦溝

弩臺下射廣陵城劉沈陳吳共此情臺下隋皇逢後主當

年夢裏未分明

吳公臺一名雞臺沈夢之攻竟陵王誕吳明徹圍敬子猷皆于此地

煬帝宮人葬玉鈎詩人竇鞏句曾留野棠花下黃鸝語今日無花野水秋

河濱詩選

卷九

五

大雷小雷歎故宮塘無春水長蒿蓬莫將隋帝隣朱瑾刺史墳頭虐鬼空

巨神曾駕六蜚羊盤古山頭日月荒披髮當時原席地衣冠尚未到陶唐

甘泉雲雨須鳴鼓二十八岡列宿圓自是厲王能作厲無人及見漢豐年

廣陵十詠

和蘇石長

禹浮山

志存浮山未詳其義好事者以有禹廟杜撰紀壁然蜀岡無石大禹之鄉那在于石紐祠

禹當于岡之上



誰遺片石此揚州共訝塗泥一片浮淮海霑天宏界域畧  
將禹貢紀橫流

董仲舒井

漢武雖知董子其相乃公孫  
安也江都之相帝自誤耳

廣川誤作江都相遺址蒼苔井未封今日玉杯斟酌滿不  
須禱雨更求風

謝太傅遺宅

天寧興教皆其地不止法雲也洪容齋  
曰昏主棄功臣安却符堅百萬之師而

不能免王寶之讒  
卒以去朝廷之上

冶城曾見謝公墩甲仗樓前古寺存今日猶然思事業當  
年讒間向誰論

河濱詩選

卷九

六

隋帝瓊花臺

花至宋猶存永叔曾為無雙亭按志移  
入宋大內者再皆枯還至本地復榮

漢家仙觀宋家宮慶歷淳熙眷此叢自合天家常寵渥何  
人只諂總持翁

王播木蘭院

播又有詩云二十年前此地遊木蘭花  
發院新修于今重到經行處樹老無花

僧白頭播後括江  
淮賦史臣譏之

節度當年流寓時木蘭親試飯鐘饑江淮貢賦如寬減應

作道州刺史詩

杜牧竹西亭

寶祐志曰亭在禪智寺官河北岸取杜  
牧詩中語當是時宋所建向予固易以

歌亭亭非牧  
之所建也



河亭每嘆宋人時寄想風流杜牧之白鳥猶來松桂盡東

坡揮手有新詩東坡逢劉貢父有詩曰竹西已揮手

淳于芬古槐

槐花乍殺萬年人久矣槐安化作塵末劫山河皆破碎夢

殘一泣蟻君臣

歐陽修平山堂夏月公常携客折花插四座命妓傳花酒往往戴月而歸

荷花百朶邵伯湖命妓傳觴韻事殊安得主人賢載酒參

天竹樹月明孤

張又星第五泉煎茶水記云劉伯芻品第五李秀卿品第十二拆字謎云天下無此焉

河濱詩選 卷九

七

無數山泉各未著怪君聲譽著寒泉惠山便近南冷水獨

賀詩人煮茗年

韓公芍藥魏公守維揚值郡圃芍藥盛開得黃綠稜各金繫腰者四朶開晏與監郡王岐公珪

曠官王荆公安石過客陳秀公升之各簪其一四公相繼登宰輔

芍藥不如仙牡丹前朝宰相偶同看而今枚卜皆無謂未

許花神一笑歡

竹陰

竹陰獨坐移亭午野圃隣人念削瓜雪暑不消頭上雪清

風吹淨眼前花



宿六灣聞三首

一路驚魚擊柝聲六灣暝色水烟平珠衡七曲猶堪賦倒  
入珠湖半不明

石尤風色去來增一片孤舟五夜燈只恐心迷貪鼎鼎盡  
忘中道舊爲僧

夜暮灑灑露作銀湖光好景眼前陳筆端欲寫山川影未  
恐山川也送人

清江浦

漢鼎烟消楚地墟蒼涼一浦慟何如到今公路經行處疑

河濱詩選

卷九

六

有當年羽檄書

萬家叢集舊雲屯月挂金鉏入水痕誰向中原爲遠計咽  
喉米穀未堪論

十載淮南阻去程送人此浦念平生雙眸久謝長安路自  
是無心向北行

促織六首

蜀絲今不到江南機戶人窮只恨蠶籠袞雲文財罷局豈  
容促織響誦誦

扶桑原在海東頭獻爾祈蠶未易求村婦年年如促織機



聲不到鳳皇樓

民家尺布亦艱難九月幽風已戒寒寧可失時冬日暖愁  
聞雨雪下天端

晏子狐裘三十年大東機杼尚愁煎化爲絡緯聲悲切都  
在貧家瓦枕邊

烏催布穀汝催機總爲人家食與衣嬾婦倚農壘兩耳敢  
隨文士罵輕肥

績麻那得碧金絲一寸寒梭一寸悲不信請君聽促織廻  
腸只有在堂詩

河濱詩選

卷九

九

雷湖四首

閒看錦鯉戲青蒲小艇新隣老釣徒輕齎駭颺都不問從  
天乞得一雷湖

湖外寒烟秋自明曉暝夢覺雁飛聲四方落葉翩翩過寫  
出閒中一片情

載書載酒那能兼漁父沿洄更矯廉滌釜烹魚還惜味市  
頭選買水晶鹽

日日湖光費品題不航巨海不遊谿琅函一卷非三畧坐  
臥船頭月影西



晚菊

十月黃花解傍人重陽以後更丰神寒梅壽祀垂垂處費盡壺觴待好春

花影二首

一點珊瑚散笑容相看清晝影重重無情偏是相唐突怯到黃昏聽莫鐘

惜君飛瓣剪胭脂阻隔風光不可思記得春綃鸞鳳影何曾打筭到今時

對鏡

河濱詩選

卷九

二十

一片玉輪拂水寒自家面目不相瞞世間如霧人如蟻莫向他人眼下看

木耳

石菌雲華總可餐人從野處耐溫寒不須更誚人間客鼎鼐書中肉滿盤

煨芋二絕

煨芋圍爐雪一杯可憎人盡快人來非關野老偏甘此此味官家未許猜

芋苗薄物自山東活火輕灰味不窮藥物七旬喉舌苦賴



君堪佐秦州紅

鬼臉

嗟舞紛紛戲小兒誰云孔子似蒙俱可憐顏甲無人理不  
必重添土面皮

假刀鎗

自從眼底見興亡可歎乾坤一戰場幾欲銷兵銷不得惱  
人市上假刀鎗

鼠藥

鼠輩公然不自藏何人具磔續張湯雖教賜死從寬減消

河濱詩選

卷九

三

卻從前穢肚腸

予家昔有劍其文曰建武元年造背作七星文失之

久矣愴然念之

燭天不必藉風胡信得豐城事也無羅列七星銘建武曾  
憐珮此過名都

先君見背記庚申繫劍談兵護辱人到得飄零經苦厄當

年誤作讀書身

禿髮

被名見夾  
深通志

南京禿髮夜如何慚愧鐵衾夢未多那有美肱成勝事收



猪人老竟蹉跎

道過

一篙春水見漕渠市上新添滿尺魚陽羨旗槍曾入貢雨  
前滋味定何如

花朝雨

又是揚州春半時花光灑灑雨絲絲江南一片風如錦莫  
向衰翁鬢上吹

社日遊城南

獨入幽籬見玉梅海桐樹畔石光開春將社日流東去柳

河濱詩選

卷九

三

怨桃啼雨欲來

但近揚州野亦佳疎疎遠影想繁華舊時歌管東風外今  
日桑麻百姓家

木蘭

木蘭堂下木蘭花嫋嫋春風幾點斜兔眼迷離脚撲糊木  
蘭身是女郎家

懷人

十年不到紫沙中猶有客來說漫公詩社忘年人已逝思

量酒盞白頭翁



林檎花

不是梨花與李花  
蹴翻燕子數枝斜  
香花沒影沉沉處  
知在來禽逸少家

遊季園

費盡工夫四月時  
忙尋芍藥與酴醾  
綠楊映日如含雨  
此景從來未入詩  
日日棋聲樹影間  
談心且以共銷閒  
先朝典故陽秋事  
一笑悲幾萬般

鶯聲

河濱詩選

卷九

三

南北鶯聲了不分  
飛來綠柳似離羣  
客心方憶咸陽道  
切莫閒中到耳聞

美人作書

梧葉蠅頭每自堪  
金經獨寫小花龕  
黃門賣盡相如賦  
只擬來生轉化男

到頭閨秀不宜書  
綉閣鸞文思有餘  
縱負時名將何用  
白頭間殺女相如

京口寄兒

羽籀三兩學玄經  
音節琅琅足可聽  
我子詩書常晏起  
客



猶相念是趨庭

杜鵑樓

杜鵑樓外飛雲去只在江南未入秦  
莫遣仙花留客住相逢幾個少年人

黃鸝

繞山聒耳有黃鸝綠樹高頭占一枝  
此意傍人渾不覺景堪描畫趣堪詩

細雨

北固山頭又見山綠沉鐵甲雨生斑  
痴心卻想無山處新

河濱詩選

卷九

十四

杏新絲醉後還

雨中紀事

渠鑿姑蘇甲士來松寥西望岸雲開  
祇今積雨稀舟子御史樓船尚未廻

雜韻

東來買鶴費金賞牕外雕籠養画眉  
我惜甌中千粒粟菜羹粥飯與痴兒

清事如何也誤人焚香聽曲送秋春  
可憐画裏山河動不

見中書舊大臣



我有耕田老特牛田荒力減臥沙洲近來獵犬遭時會飽  
偷花間吹画樓

妖冶春山似麗情山居時節意相傾若教新月爲妃偶也  
有嬌雲是後生

江燕

江燕噴潮時過門城頭老石似龍蹲此間還望南山影多  
少高松翠滿村

望江南山色秀嫵可愛

千疊遙山壓近山芙蓉好比美人顏若將仙子題名姓不

河濱詩選

卷九

三

是雲英是玉環

蓼花

閏五月如二三月陰雲作雨惱農家露堂闔戶寒如水夜  
坐階前看蓼花

有恤刑濫受民詞者嘆之

白雲司是含香署鳳語銜時雞赦平菰屋縱堪秦鏡照只  
憐恤字未分明

畫松

畫松一似夢中松十八公占異日蹤不比鯉魚成識緯唐



家十八兆飛龍

莫將此作畫松看六月風來謾謾寒筆底茯苓兼琥珀更  
無寵辱受秦官

八月十六夜

明月方纔減一分此宵飲者各離羣人心倏忽成新故說  
與天公總不聞

惜菊

數枝黃菊未曾開歸日猶憐手自栽斑竹莫須頻作淚三  
年離別會重來

河濱詩選

卷九

三

別鼠

唧唧啾啾鼠夜鳴主人將去不勝情一般咫尺瓊花地那  
得餘糧可代耕

重九登梅花嶺

秋光閒着雨三人不插黃花意也新梅嶺年年重九日登  
高誰此駐車輪

曠然入眼微雲薄迥爾開襟夕日流他日東西南北意無  
忘此地共深秋

垂鳴



秋盡秋虫尚夜鳴  
嘈嘈噦噦幾般聲  
曾聞蟋蟀入床下  
偏是幽人耳易驚

金山雜咏六首

江艇不來海舶來  
山空靜絕長莓苔  
昔時大賈登臨處  
豆棧泥封尚未開

江心鑄鏡此山中  
鑄得龍形寶銅他日人間憂大旱  
應來霖雨出王官

吹盡蛟雷臥亦甜  
驅魂不肯學原蠶  
前絲斷去扶桑藹後  
緒誰從五色探

河濱詩選

卷九

毛

游龍出海海龍忙  
曳電敲雷戲講堂  
僧臥三更深入定  
不知龍去向何方

萬客遊山萬種情  
端居數日意難平  
山中山外人俱老  
秋入頭顱見雪生

老來益見友情真  
滿酌江鄉一盞春  
睡倒逆離花影下  
不知是月是佳人

燈下讀宋書

漢家隆準好龍孫  
京口長江王氣新  
九錫崇勳當典午  
一生快事殺盧循

偶作

水衡山處雲來易閣有人時日去遲聞得老僧說往事當年文獻半相知

河濱詩選

卷九

三

10943



